



Cov Kev Cas Nyiaj Tom Immigration

Immigration Bonds

Cas nyiaj tom immigration yog dab tsi?

Qhov “bond” yog cov nyiaj uas tib neeg them kom rho tau lwm tus tib neeg tawm ntawm txoj kev raug tuav los yog hauv tsev kaw neeg. Qhov **“immigration bond” nyiaj cas tom immigration** yog qhov nyiaj uas siv los them kom rho tau tib neeg tawm ntawm cov kws tswj ciam teb (Immigration & Customs Enforcement, los yog “ICE”). Yog tias koj mus hais txhua rooj sab laj hauv tsev hais plaub thiab ua txhua yam uas tus Kws Txiat Txim Txog Kev Tswj Ciam Teb los yog ICE hais, nrog rau txoj kev kom tawm teb chaws yog kom yuav tsum tau tawm, ces qhov nyiaj cas ntawm yuav thim rov qab koj tom qab hais koj rooj plaub tag. Tab sis ICE yuav ywv qhov nyiaj cas yog tias koj tsis mus hais plaub los yog tsis ua raws li hais.

Kuv yuav thov kom muaj kev cas nyiaj li cas?

Tej zaum mas ICE teev tus nqi seb yuav cas nyiaj ntau npaum li cas. Yog tias tus tau teev nyiaj cas, koj kuj nug tau tus Kws Txiat Txim Txog Kev Tswj Ciam Teb kom nws teev nqi cas nyiaj rau ntawm koj rooj plaub. Koj thov kom hais **rooj sab laj txog nyiaj cas**. Thaum mus hais rooj plaub txog nyiaj cas, koj muaj feem thov Kws Txiat Txim Txog Kev Tswj Ciam Teb kom txo qhov nyiaj cas yog tias koj xav tias ICE teev tus nqi siab dhau lawm. Tus nqi qis tshaj uas tus Kws Txiat Txim Txog Kev Tswj Ciam Teb yuav teev tau yog \$1,500.



Yuav tsum xyuam xim thaum koj thov kom tus Kws Txiat Txim Txog Kev Tswj Ciam Teb txo qhov nqi nyiaj cas. Tus Kws Txiat Txim muaj feem txiat txim muab qhov nqi nce kom siab yog nws xav tias muab teev tau nqis dhau lawm lossis lawv muaj feem cia li txiat txim tsis ua daim ntawv qiv nyiaj tawm qhov taub “bond.”

Yuav muaj dab tsi tshwm sim ntawm rooj plaub hais txog nyiaj cas?

Ua ntej tshaj, tus Kws Txiat Txim Txog Kev Tswj Ciam Teb yuav tau los txiat txim seb koj puas tsim nyog thov kom muaj qhov cas nyiaj. Teb co neeg mas raug nyob qhov “yuav tsum tuav cia.” Qhov no txhais tau hais tias tus Kws Txiat Txim Txog Kev Tswj Ciam Teb tsis muaj kev txiat txim txog ntawm qhov cas nyiaj hlo li. Qee txoj kev txhaum cai yuav tsum raug koj tuav tseg xwb. Koj kuj yuav raug qhov yuav tsum tuav tseg yog tias:

- koj tuaj nyob yam tsis muaj ntaub ntawv
- koj twb muaj ntawv kom tshem tawm teb chaws, los yog
- koj raug tuav vim tsim kev hem phem ua paus tsuaj rau lub teb chaws

Yog tias koj tsis raug qhov yuav tsum tau tuav tseg, tej zaum kuj yuav teev tau nyiaj cas rau koj. Thaum txiav txim txog teev los yog txa nyiaj cas, tus Kws Txiav Txim Txog Kev Tswj Ciam Teb saib seb koj puas yuav ua kev phom sij rau lub zej zog. Yog tus kws txiav txim plaub pom hais tias koj yog ib tug neeg phom sij, lawv tsis kam koj “bond” tawm qhov taub thiab muab koj kaw kom txog hais rooj plaub immigration tas. Yog tus kws txiav txim plaub pom hais tias koj tsis phom sij, ces lawv yuav saib seb koj puas yog ib tug uas “yuav nyiag kev ya tawm teb chaws.” Tus neeg yuav nyiag kev ya tawm teb chaws yog tus tib neeg uas tej zaum yuav tsis tuaj hais plaub yav tom ntej yog tias tso nws mus.

Yuav kom qhia tau hais tias koj yuav tsis ua kev phom sij rau lub zej zog, xa koj li keeb kwm txog kev ua txhaum yav tag thiab pov thawj txog kev mus kho kom zoo rov qab los. Koj kuj xa cov ntawv sau tuaj txhawb koj los ntawm tsev neeg, phooj ywg, cov xib fwb ntawm kev ntseeg, los yog cov neeg nyob hauv zej zog.

Yuav kom qhia tau hais tias koj yuav tsis ya tawm teb chaws mas, muab:

- pov thawj tias koj muaj tsev neeg nyob hauv Teb Chaws Meskas. Cov noj kuj siv tau cov ntawv yug tsim los ntawm cov txheeb zes uas yog xam xaj ntawm LPR los U.S.
- pov thawj tias koj muaj ua hauj lwm. Xws li cov tw tshev los yog tsab ntawm los ntawm qhov chaw ua hauj lwm.
- pov thawj tias koj muaj tsev/av nyob hauv Teb Chaws Meskas
- pov thawj tias koj muaj kev sib raug zoo nrog lub zej zog. Xws li koom siab nrog pawg ntseeg los yog pawg neeg nyob koom ib lub zej zog.



Tus kws txiav txim txog kev tswj ciam teb yuav los soj ntsuam seb koj koj puas tau ua ntawv thov kev tiv thaiv txoj yuav raug tshem tawm teb chaws los yog tsoom fwv tswj ciam teb puas tau ua taww tshem koj tawm.

Them qho Nyiaj Cas

Tej zaum kuj yuav tso tau tawm tib hnub uas koj them qhov nyiaj cas ntawv. Yuav kom tso tau koj tawm tib hnub mas, zoo tshaj mas yuav tsum them qhov nqi cas ntxov li ntxov tau hnub ntawv.

Online

Koj yuav tsum mus them qhov “bond” online ntawm tus vassab ntawm no: [MyAuth Account - Sign In \(ice.gov\)](#). Yog koj tsis muaj ib tug askhauj, koj yuav tau nias qhov hais tias “Sign Up” thiab mus tsim ib tug askhauj.

Cov neeg lossis cov khoomhaum hauv qab no yuav them tau “bond” online:

- Cov neeg xam xaj U.S.

- neeg muaj cai nyob tebchaws no
- lag luam kws lij choj, thiab
- Khoom haum tsis noj peev “non-profit” siv tau CeBONDS los mus xa daim ntawm “bond,” daim “bond” txaus siab tawm tebchaws mus, lossis daim “bond” muaj neeg saib xyuas.
- Cov neeg tsis yog xam xaj muaj feem siv qhov Voluntary Departure bond txaus siab tawm tebchaws tus kheej lossis lwm tus ua qhov Order of Supervision bond rau lawv.

Cov sijhawm mus tso “bond” tawm yog:

Monday – Friday

9 am to 3 pm nyob hauv qhov sijhawm ntawm tus neeg uas raug ICE kaws

Yuav tsum them nyiaj hauv ib tus askhauj hauv tsev ceev nyiaj.



Yog koj nkag tsis tau mus rau hauv online, koj mus siv them tus kheej kiag.

Mus Tus Kheej

Koj yuav tau sim hu ICE lub hoobkas ua ntej koj sim mus them tus kheej kiag. Yuav tsum them tag nrho qhov nyiaj cas, yam siv daim nyiaj “money order” los ntawm chaw xa ntawv U.S., los yog daim “cashier’s check” los ntawm lub tuam txhab ceev nyiaj. **Nyiaj ntsuab, yus cov tshev, lwm cov checks, los yog cov “money orders” uas tsis yog yuav los ntawm chaw xa ntawv yuav tsis txais.** Daim “money order” los yog “cashier’s check” mas yuav tsum sau mus them rau “Immigration and Customs Enforcement.” Koj tsev neeg los yog koj cov phooj ywg yuav tsum tau tuaj them qhov nyiaj cas no yam tuaj tim ntsej muag, hauv txhua lub hoob kas ICE cov nyob hauv U.S. Tsuas yog ib tug neeg xam xaj U.S. lossis muaj npav ntsuab thiaj li them tau daim ntawv qiv nyiaj.

Yog tias koj nyob hauv lub xeev Minnesota, nws muaj 2 lub hoob kas ICE uas koj mus them tau qhov nyiaj cas:

Minneapolis/St. Paul ICE Office

1 Federal Drive, Suite 1640

Fort Snelling, MN 55111

7:30 a.m. txog 2:00 p.m., Monday -Friday

612-843-8600

Sioux Falls ICE Office

2708 North 1st Ave.

Sioux Falls, South Dakota 57104

8:00 a.m. txog 1:00 p.m., Monday-Friday

605-330-4276 (hu teem sijhawm)

Leej twj them tau daim ntawv qiv nyiaj tawm qhov taub?

Tus neeg uas tuaj them qhov nyiaj cas mas hu ua tus “obligor” tus neeg lav. Nws muaj cov kev cai tswj seb leej twg thiab li ua tau tus neeg lav. Yog tias tus neeg lav tsis ua raws li cov kev cai, ICE yuav tsis tso koj tawm.

- Tus neeg cog lus sau npe rau ntaub ntawv yuav tsum yog ib tug xam xaj U.S., muaj npav ntsuab, lag luam kws lij choj, lossis khoomhaum tsis noj peev (non-profit)
- Tus neeg lav yuav tsum paub koj
- Tus neeg lav yuav tsum paub hais, sau thiab nyeem ntawv Askiv
- Tus neeg lav yuav tsum nqa daim npav ID qhia txog nws tus kheej uas yog tsoom fwv tsim thiab daim npav “social security” nrog lawv thaum tuaj them

Tus neeg lav yuav tsum tau qhia cov lus tseem ceeb no:

- Lawv lub npe, chaw nyob, thiab tus xov tooj
- Koj lub npe, chaw nyob, tus xov tooj thiab tus lej cim ntawm koj rooj plaub yog tias paub



Tus neeg twg uas tsis yog nyob hauv U.S. tsis raws kev cai yuav tsum TSIS txhob sim tuam them nyiaj cas rau lwm tus tib neeg. ICE kuv yuav ntes tau lawv thiab sim tshem lawv tawm hauv U.S.

Tus neeg twg uas yog tuaj nyob hauv U.S. raws kev cai tab sis muaj keeb kwm txhuam cai los yog tseem tab tom hais rooj plaub txhaum cai yuav tsum mus nrog cov kws lij choj paub txog kev cai tswj ciam teb tham ua ntej mus them nyiaj cas rau lwm tus.

Yuav ua li cas yog tias kuv them tsis taus qhov nyiaj cas?

Yog tias koj them tsis taus tag nrho qhov nqi nyiaj cas rau tsoom fwv tswj ciam teb, tej zaum koj kuj nrhiav tau kev pab los ntawm zej zog kob nyiaj pab them nyiaj cas. Zej zog koj nyiaj pab them nyiaj cas kuj muaj xws li:

Hauv zos

- [MN Freedom Fund](#)

Teb Chaws Meskas

- [Black Immigrants Bail Fund](#)
- [LGBTQ Freedom Fund](#)

Nws kuj muaj cov tuam txias nyiaj cas uas kuj yuav pab thiab. Cov tuam txhab txais nyiaj cas yog cov lag luam muaj tswv yuav them ib feem ntawm qhov nqi nyiaj cas. Tus phooj ywg los yog tsev neeg teem kom muaj kev sib cog lus nrog lawv. Thov xyuam xim! Cov tuam txhab qiv nyiaj cas feem ntau mas tsub nqi paj siab heev, yuav kom muaj “khoom txhiv tau,” los yog yuav tag

nrho cov nhiay cas thaum rov them los. Qhov khoom txhiv tau yog cov khoom uas muaj nqis uas tus tib neeg tau kos npe hais tias yuav cia lub tuam txhab txais qiv nyiaj cas yuav qhov khoom txhiv ntawv yog tias koj tsis mus hais plaub los yog ua raws li cov lus teev tseg los ntawm lub tsev hais plaub los yog ICE.

Rov them Qhov Nyiaj Cas

Thaum twg koj cov txheej txheem plaub ntawm tsoom fwv tswj ciam teb tiav hlo lawm, ICE yuav them tag nrho koj cov nyiaj cas rau tus neeg them qhov nyiaj cas (tus neeg lav). ICE lub hoop kas yuav xa cov ntaub ntawv mus rau tus neeg lav teb thiab xa rov tuaj. Thaum twg ICE txais tau cov ntaub ntawv rov qab, lawv mam li xa qhov nyiaj cas rov qab mus rau tus neeg lav. Yog tias tus neeg lav tsiv chaw nyob ua ntej hais rooj plaub tag, lawv yuav tsum qhia ICE paub. ICE yuav rov them tsis tau qhov nyiaj cas rov qab yog tias lawv tsis tau tus neeg lav qhov chaw nyob tam sim no.



Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoos lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2024 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.